





# Акафист мученикам в 614 году в Святой Земле пострадавшим

## Кондак 1

Избранные страстотерпцы Христовы во Святой Земле избиеенныя и в покой вечный вшедшия, песньми восхваляем вас, заступников наших. Вы же, яко имущие велие дерзновение ко Господу, от всяких нас бед свободите, любовьию зовущих:  
Радуйтесь святии мученицы во Святой Земле пострадавшия.

## Икос 1

Ангели Божии, хранители рода человеческого, зряще сонм мучеников Христовых, на подвиг вас укрепляху. Мы же ведуще вас, подвиг добре совершивших, радостно взываем:  
Радуйтесь, страданием вашим диавола посрамившия;  
Радуйтесь, через страдания мученичества Рая достигшия.  
Радуйтесь, неисчетнаго мученическаго лика украшение;  
Радуйтесь, земныя воинствующия церкви

сильное вспоможение.

Радуйтесь, святии мученицы во Святой Земле пострадавшия.

### **Кондак 2**

Видящи Господь грехи человеков, на Святую Землю нашествие персов попустив и кровми мучеников веру Христову укрепив, мы же вспоминая страдания ваша, поем укреплявшему вас в подвиге Богу: Аллилуиа.

### **Икос 2**

Разум богопросвященный даровася вам, святии мученицы, да вся земное ни во что же вменивше Христа приобрящете. Тем же взываем вам:

Радуйтесь, блажении последователи Христовы;

Радуйтесь, любители заповедей Его преискренния.

Радуйтесь, цветы прекрасные винограда Христова;

Радуйтесь, богатство земное ни во что же вменившия.

Радуйтесь, святии мученицы во Святой Земле пострадавшия.

### **Кондак 3**

Сила Вышняго укрепи вы на подвиг мученичский, егда персы избиваше вас во

обителях иноческих и по всей Святой Земле, мы же терпение ваше воспеваем, поем дивному во святых Богу: Аллилуиа.

### **Икос 3**

Имея зловерием потемненныя очи душевныя, как волки на овец устремившися злочестивыя и избивающе Христово стадо нещадно во обителях иноческих подвизавшихся. Воспевающе страдания ваша, взываем:

Радуйтесь, Христа вседушно возлюбившия;

Радуйтесь, даже до крови пострадавшия.

Радуйтесь, в молитве и посте добре подвизавшиися;

Радуйтесь, крепость духа мученичеством подтвердившия.

Радуйтесь, святии мученицы во Святой Земле пострадавшия.

### **Кондак 4**

Буря злобы и лютости прииде на Святую землю от нечестивых исходящая, вы же, святии мученицы во всей Святой Земле избиевныя, предстоя у престола Владычня непрестанно воспевающе :Аллилуиа.

### **Икос 4**

Слышавше патриарх Захария, уводимый в пленение персами нечестивыми, о страданиях

ваших, непрестанно молился о укреплении стада своего. Дивляшесь мужеству его и страданиям вашим, зовем:

Радуйтесь, учителя благочестия;

Радуйтесь, посрамители нечестия.

Радуйтесь, ранами яко утварьми многоценными украшеннии;

Радуйтесь, кровию вашею яко багряницею облачении.

Радуйтесь, Святии мученицы во Святой Земле пострадавшия.

### **Кондак 5**

Богомудрым проповедником апостолом, за имя Христово радостно муки и раны приемши, подражали есте во страдании вашем вопия в сердцах ваших: с Христом нашим пострададем, да с Ним и прославимся зовуще: Аллилуиа.

### **Икос 5**

Видевше вас злочестивии гневом пвспалявшесе и злобою возгорашесе, во множестве откупивше вас мученицы святии на избиение, вы же молилися ко господу принять в мире души ваши. От нас же примите похвалы таковыя:

Радуйтесь, исповедницы Христовы непобедимые;

Радуйтесь, адаманты терпения крепчайшия.

Радуйтесь, за прелюбезнаго вам Иисуса души

свои положившия;  
Радуйтесь, за пресладкое имя его пострадавшия.  
Радуйтесь, и нас молитвами вашими от  
мучительства сопротивнаго свободяющии.  
Радуйтесь, святии мученицы во Святой Земле  
пострадавшия.

### **Кондак 6**

Проповедницы дивнаго во святых Господа  
мученьми своими веру свою запечатлевшии и  
нас немощных страданием вашим  
укрепляющии, пети дивному Богу: Аллилуиа.

### **Икос 6**

Свет славы вашей с небес укрепляюще нас  
малодушных. Имея ко Господу дерзновение  
молитися за нас, да молитвами вашими  
укрепимся в вере православной, зовуще:  
Радуйтесь, Бога Вышняго победоноснии  
служители;  
Радуйтесь, Славы Божия неустрашими  
проповедатели.  
Радуйтесь, скорбящих всежелательное утешение;  
Радуйтесь, оскудевающих силами духовными  
всемощное вспоможение.  
Радуйтесь, святии мученицы во Святой Земле  
пострадавшия.

## **Кондак 7**

Хотя веру во Христа непорочну сохранить,  
мужественно претерпевая избивание от  
нечестивых, поя Богу: Аллилуиа.

## **Икос 7**

Новыя козни врага рода человеческого  
претерпевая, добрыя воины Христа Царя  
являшися, за врагов, как ваш Владыка  
молившиися. Мы же взываем к вам сице:  
Радуйтесь, прекраснии леторосли сада Иисусова;  
Радуйтесь, сосуды благодати Божия за имя  
Христово сокрушении.

Радуйтесь, страдальческий подвиг славно  
скончавшии;

Радуйтесь, от ликов ангельских в сожителство  
приятти.

Радуйтесь, рода Христианского слава великая.

Радуйтесь, святтии мученицы во Святой Земле  
пострадавшия.

## **Кондак 8**

Странное видети столь многочисленный сонм  
святых мучеников за Христа живот свой  
положивших, поя во умилении сердец наших ко  
Господу: Аллилуиа.

## **Икос 8**

Вси в вышних есте угодницы божии , во светлости святых торжествующии, и наслаждающиеся благ небесных; вем же, яко и нас земных и перстных не забываете, но от горних высот милостиво к нам приникаете, подвизая нас чествовати вас сими похвалами:

Радуйтесь, православия похвало;

Радуйтесь, многострадальнии розги винограда Христова.

Радуйтесь, граждане Горняго града Иерусалима Небеснаго;

Радуйтесь царства Христова наследницы

Радуйтесь вечныя жизни сопричастницы;

Радуйтесь, святии мученицы во Святой Земле пострадавшия.

## **Кондак 9**

Вси ангели небесныя воспряша вы радостно во обители райския, святии мученицы. Страданием вашим почестъ победную восприявше от Христа Бога нашего, Мздовоздаятеля подвизающихся за имя Его Святое на земле, прославляя бо их на небеси. С горними воями у престола Своего предстояния сподобляет, идеже поется Ему немолчно: Аллилуиа.

## **Икос 9**

Ветия древний пророчески Божиим духом озаренный о кончине верных во псалтири пояше: приидохом сквозь огонь и воду, и извел ны еси в покой; вы же, святии мученицы, делом сие исполниша. Сего ради примите от нас похвалы сицевая:

Радуйтесь, соблюдшия до конца веру Христову;

Радуйтесь, страданиями вашими яко злато в горниле очищенные.

Радуйтесь, предстатели великие к Богу, от бед нас спасающия;

Радуйтесь, в скорбях нам помогающия и ко спасению нас наставляющия.

Радуйтесь, святии мученицы во Святой Земле пострадавшия.

## **Кондак 10**

Спасени. Нашему споспешницы есте, святии мученицы, темже усердно молим вас: помозите нам вашими молитвами и предстательством ко Господу, да прочее время живота нашего в покаянии проведем и творении дел благих во славу Господа, поя ему непрестанно: Аллилуиа.

## **Икос 10**

Стеною молитв ваших оградите нас, святии мученицы, от всяких зол и козней вражих, да охраняеми вами ублажаем вас сице:

Радуйтесь, зашито и покрове всех в бедах сущих.  
Радуйтесь, надежное слышание вопиющих;  
Радуйтесь, крепости духовныя испросители.  
Радуйтесь, ко Господу милостивии предстатели;  
Радуйтесь, святии мученицы во Святой Земле  
пострадавшия.

### **Кондак 11**

Пение хвалебное приносим вам, святии  
мученицы, яко любви ради Христовы плоти  
своя не пощадисте. Тем же и память вашу  
совершаем, поя Богу: Аллилуиа.

### **Икос 11**

Светом небесным осиянных зрим вас, святии  
сученицы Христовы, предстоя бо Пресветыя  
Троицы выну предстояте и о мире молитвы со  
дерзновением приносите. Тем же хвалебная вам  
взываем:

Радуйтесь, мученицы Христовы злобу вражию  
победившия;

Радуйтесь терпением Христовым муки  
преодолевшия.

Радуйтесь, любви Божественныя совершители;

Радуйтесь врага рода человеческого  
низложители.

Радуйтесь, святии мученицы во Святой Земле  
пострадавшия.

## **Кондак 12**

Благодать от Бога за страдания ваша получившая, и с верою к вам молящихся в нуждах и болезнях слышащая, и научающая от сердца нас взывать к милующему нас Богу: Аллилуиа.

## **Икос 12**

Поюще честныя страдания ваша, святии мученицы, прославляем Господа, вас укрепившаго и венцеами мученическими венчавшаго, и яко теплых заступников и ходатаев за род христианский, ублажаем сице: Радуйтесь, звезды небесныя от Святой Земли воссиявшия;  
Радуйтесь, яко луна духовная на небо от земли возшедшия.  
Радуйтесь, яко солнце мысленное наша скорби просвещаете;  
Радуйтесь, яко в трудех поста и молитвы нас утешаете.  
Радуйтесь, всех верных хранители и защитители;  
Радуйтесь, святии мученицы во Святой Земле пострадавшия.

## **Кондак 13**

О святии мученицы во Святой Земле избиевныя, предстательством вашим у Господа испросите

нам победу на душевныя страсти и гордость житейскую, да в покаянии поживши Небеснаго Царствия сподобимся, поюще Богу: Аллилуиа. Сей Кондак читается трижды, затем Икос «Ангели Божии, хранители...» и Кондак: «Избранные страстотерпцы Христовы...»



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**